

Тропарь, кондак и молитва преподобному Герману Зосимовскому



15 июля 2016 г. 19:51

Тексты тропаря, кондака и молитва преподобному Герману Зосимовскому утверждены решением Священного Синода от 15 июля 2016 года ([журнал № 70](#)).

Тропарь, кондак и молитва преподобному Герману Зосимовскому

Месяца января в 30-й день Преподобнаго Германа Зосимовскаго

Тропарь, глас 8:

Непрестанная молитвы добрый ревнителю,/ святых пустыни мудрый устроителю,/ богомыслия и старчества в ней насадителю,/ добродетельми многими, яко ризою украшенный,/ постническое житие явивый, преподобне отче Германе,/ приими нас, чтущих любовь честную память твою,/ да отвергнем лъстивую прелесть мира сего/ теплым предстательством твоим у Престола Вседержителя.

Кондак, глас 6:

В преподобстве и правде мужественно пожив,/ пустынножителю, отче Германе,/ многим путь ко спасению,/ яко звезда пресветлая, озарил еси/ и, всем быв для всех,/ Богу и людям усердно послужил еси.

Молитва

О, блаженне отче Германе! Земли Владимирския преславная похвало, чудный угодниче Христов и иноков дивное украшение!

Зряще обитель Зосимову, стопами многих подвижников освященную, ныне же зрак свой обновившую, таже и святых мощи твоя обретшую, радуемся ея восходу новому. Темже достойно воспеваем тя, отче Германе, яко строителя обители мудраго, наставника монахов неусыпнаго, общаго жития ревностнаго насадителя, непрестанная молитвы учителя, святых икон искуснаго изографа и старца милостиваго.

Ты, о летех скорбных пастырски въздыхая, молитвою и советом многия верная люди укреплял еси. Ныне же, благодатию свыше облагоуханный, во Царствии Небеснем престолу Божию предстоя, молися о нас, грешных, в страстех мнозех пребывающих,

и о умирении во вражде сущих, да озарит Господь светом покаяния и исправления житие наше, да с любовью прославим Пречестное и Великолепое Имя Отца и Сына и Святаго Духа во веки веков. Аминь.